

# Vuk'uzenzele



Produced by Government Communications (GCIS)

English/Tshivenda

| Fulwi 2019 Khandiso 1



## The people's President



ALSO AVAILABLE ON:



@VukuzenzeleNews



Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

Email: [vukuzenzele@gcis.gov.za](mailto:vukuzenzele@gcis.gov.za)

Tel: (+27) 12 473 0353

FREE COPY

Presidential Inauguration Special Edition



# Vhurangeli ha YES vhu netshedza thuthuwedzo vhaswa u swikela zwithu zwichulwane



**V**hurangeli ha Tshumelo ya Vhutholi ya Vhaswa ho diimisela u netshedza vhaswa vha sa shumi vha milioni nathi tshenzhemo dza mushumo u no bade-la kha tshifhinga tsha minwaha miraru.

Ndi muhumbulo wo tumbulwaho nga Muphuresidennde Vho Cyril Ramaphosa, mbekanyamushumo iyi yo diimise-la u lugisela vhaswa kha zwa mushumo na u vha netshedza vhukoni ha zwa thekhihkhala vhu todeaho u itela u tikedza mveledziso ya ikonomi.

YES ndi mushumo wo tanganelanaho wa muvhuso, zwa mishumo na zwa mabindu u vbona uri vhaswa vha Afrika Tshipembe vho lugela sekithara ya mushumo.

U swika zwino, vhurangeli ha YES ho kona u tsi-reledza zwikhala zwa mushumo zwa 17 000 u itela vhaswa vha sa shumi.

Arali ni muswa nahone ni tshi tama u vha tshipi-da tsha vhurangeli ha

YES, khezwi zwine na tea u zwi divha;

## **Maga ano todea uri muswa a vhe tshipi-da tsha mbekanyamushumo ya YES ndi afhio?**

Muswa wa YES u tea u vha:

- Murema, u ya nga thalutshedzo ya BEE.
- Vhukati ha vhukale ha 18-34 (sa i zwi izwi i yone thalutshedzo ya muswa); na u vha mudzulapo wa Afrika Tshipembe.
- Mbekanyamushumo ya YES a si ya vhaswa vhane vha khou tou toda u bva kha mushumo muñwe vha ya kha muñwe, fhedzi ndi ya vhaswa vha sa shumi zwa zwino.

## **Hu todea ndalukano dzifhio uri u vhe tshipi-da tsha vhurangeli ha YES? Muthu muñwe a si na ndalukano ya yunivesithi a nga diñwalisa naa?**

YES yo sedza kha vhaswa vhothe vha sa shumi vha vhukati ha vhukale ha

minwaha ya 18-34, hu sa sedzwi levele ya pfunzo ine na vha nayo.

## **Vha a kona u thusa vhaswa vhane vha dzula vhuponi ha mahayani?**

YES yo sedza kha vhaswa vhothe vha Afrika Tshipembe vha vharema vha sa shumi hothe hothe hune vha wanala hone kha shango.

## **Yes i a netshedza madzangano a si a muvhuso na mabindu matuku zwikhala zwa ndambedzo, ofisi dza u shumela kana zwishumiswa?**

Lushaka lwa thikhedzo ine YES ya netshedza mabindu na Madzangano a si a Muvhuso a zwi kwami masheleni, ndi mveledziso ya vhukoni khathihi na u dzhenisa vhaswa kha mabindu ayo sa tshone tshiko. Mashudu mavhi, a ri khou kona u netshedza ndambedzo, ofisi dza u shumela kana zwishumiswa kana vhuṭumani na vhañwe vhashumisani.

## **YES i thusedza hani vhoramabindu vhatuku vhane vha khou fungelela u bvelela? Vha a vha netshedza ndambedzo?**

Mashudu mavhi, YES a i netshedzi thikhedzo ya masheleni kha vhoramabindu vhatuku vhane vha khou fungelela u bvelela. Naho zwo ralo, ri nga thusedza mabindu maswa (dziSMME) nga u a manḁafhadza nga vhaswa vhane vha kha di vha na nungo, vhatuku nahone vha re na vhusiki.

## **Ndi khou tshimbidza bindu lituku nahone ndi a tama u shuma na vhaswa vha YES, fhedzi a thi koni u vha badela miholo yavho. Ndi nga didzhenisa hani kha YES?**

Vhatholi vho lambedzwaho ndi tshipi-da tsha mbekanyamushumo ya YES. Vhoramabindu vhane vha swikela tshipikwa tshavho tsha YES vha nga nanga u thola vhaswa kha mabindu avho kana kha SMME dzine dza shuma navho nga kha vhatholi vho lambedzwaho, hu si na mbadelo kha vhane vha shuma navho. Muswa u do shuma kha bindu lo lambedzwaho lwa tshifhinga tsha minwedzi ya 12 nahone u do badelwa nga khamphani ya mulambedzi.

## **Ndi a nanga vhaswa vhane nda tama u shuma navho?**

Ee, vha nga zwi ita, ri do shuma na vhone u topola

muthu o teaho dzangano lavho.

## **Muswa muthihi a nga lambedzwa lu fhiraho ñwaha muthihi?**

Hai, Vhaswa vha YES vha lambedzwa lwa tshifhinga tsha ñwaha muthihi. Arali vhone vha nanga u dzhia tshothe Muswa wavho wa YES nga murahu tshifhinga tshi linganaho ñwaha, zwa ralo vha do dzhia vhuḁifhinduleli ha mbadelo dza muholo.

## **Ndo no diñwalisa kale. Zwickhala zwa u thoma mushumo zwi do thoma lini?**

Zwa zwino ri kati na u sika zwikhala zwa mushumo, zwine zwa vha maitele o angalalaho nahone a konḁaho.

Naho zwo ralo, tshigwada tshashu tshi khou shuma nga maanḁa u swikela ndivho yashu ya u sika zwikhala zwa mushumo zwa milioni nathi kha vhaswa vha sa shumi vha Afrika Tshipembe. Musi ro no sika tshenzhemo hedzi, ri do thomaha na u thola. Arali vho diñwalisa, ri do kwamana na vhone. **V**

## **Ndi diñwalisa hani u vha Muswa wa YES?**

**Vha humbelwa u joga kha webusaithi yashu: [www.yes4youth.co.za/youth-registration](http://www.yes4youth.co.za/youth-registration) hune vha nga diñwalisa sa Muswa wa YES.**